

# QUÆSTIO MEDICA,

## CARDINALITIIS DISPUTATIONIBUS

*manè discutienda in Scholis Medicorum die foris*

*decimaquarta Martii.*

M. PAULO COURTOIS, Doctore Medico,  
& Professore Regio, Præside.

*An sanis, & aegrotis benigna & simplicia alimenta,  
medicamenta?*

### I.

**M**ANET vita cursu, quem dedit Natura, facili à carceribus ad calcem peragenda (absint modò fortuita) quamdiu solidæ partium substantiæ consertus est humor primigenius, minimè aquosus ac diffluens; sed aerius pinguis, & lentus; cum eoque societatem coit Nativus calor, ab elementis quidem ductus: at effectuum, agendique præstantiâ ipso cælesti potior: æternus futurus, si quantus ab initio, & si millimus, continenter accedat: brevique extinguendus, nisi resectum is veniat, qui ab arce vitæ jugiter manans, collucensque membris, cuncta pervadit, ac vel in abdita ossium penetralia vim salutarem cum alimento diffundit. Planè dum plurimum pollet, nihil non efficit: tres unus corporis provincias, artusque præterea omnes regit, tuetur, ac recreat. Nec rarò ex derelictis morbis inopinatò fert palmam; tunc lemniscatam, ubi & funere elatos per se revocat ad vitæ officia.

### II.

**Q**Uò perpetuò vigeat, è re quidem est ut exercitatione, & vigiliis suscitetur, non dissipetur: somno, & quiete instauretur, non obtorpescat: vilibus escarum detrimentis fo-

11.  
- 451 ras se dantibus, lenis aura subeat, quâ, & ductâ ore animâ temperetur, non diffletur: nec turbidis animi motibus repente exardescat, paulatimve carpentibus elidatur. At quoniam suâ licet indole fugax, lenti, quo detinetur, humoris prædator est assiduus, ad sarcinendam utriusque decessionem, opus est alimento, quod nulla res aequat; ut præmolli & mansueto partes suum magis, quàm semini debeant incrementum, robur, & perennitatem. Ne fatiscant rore hoc vitali defectæ, quotidie, ne semel quidem, famē sitique incitatur ad esculentâ ingerenda, & potulentis miscenda, mollienda, diluenda. Eorum porrò delectus, ac modus summi sunt ad vitam momenti. Quantum alimentum ab alimento discrepet, indicio sunt quæ nitent corpora victum elegantem colentium, visisque horrida pressorum annonâ duriori: Nempe dum in membra se induit, suis ea qualitatibus imbuat. Quamobrem anceps, coctu contumax, quod agrè semigrat, promptèque putrescit, abdicandum: fœdum itidem, & acre, ne quam gerunt in sinu pravitatem affricent. Aridum, & frigidum sensim minuunt corpus, quod uno amplificatur, florétque humido & blando, cæterorum Principe.

I I I.

**U**T Crasso præstet liquidum, nihil refert tenue sit, ac fluat; si lixivii, mariæve instar, fervidum est, mordax, aut salsum; eò latius vastaturum, quò celerius occupavit omnia. Ejusmodi cibariis, uti generoso ac distillato vino, non parum de vitæ demenso detrahitur, ustis siccâ tæbe præcordiis. At quàm illi sit amica mollities & dulcitus, fidem extorquet rerum Parens, quæ & in utero, quem finxit hominem liquidissimo sanguine; & in lucem emissum, uno alit augétque lacte, quod & annis, staturæque apponit. Ab ubere depulso, & abstemio, dum inest calor, humorisque suavitas, vivida est sanitas, vix, nisi morbis ab ingluvie, violanda; pluribus, statim atque molliculus mitisque victus ejuratur. Ut discedas ab homine, clamne est tot monstra quæ cælat aqua; tot quas terra suo dorso sustinet belluas, quæque ab ea in cælum exeunt arbores, propter aquæ rivos latiores, tantum facere corporis, quantum in se habent succi benignioris & vuidi. Ne demum titillante gulâ epularum modus desideretur, impârque sit calor multiplicibus, plerumque & discordibus cibis unâ conficiendis, latrantem patulâ expectatione stomachum placet.

3  
simplex atque parabilis, simul, & facillè transformandus in synce-  
rum sanguinem, expeditè mox recoquendum, & per venarum  
fistulas quoquoqueverfus digerendum.

#### IV.

**P**AR ratio Medicamentorum, quorum alia tantùm immu-  
tant corpus, quod etiam ad illuviem foras ejiciendam sol-  
licitant cætera, inde dicta purgantia. Inter prima, quæ à tem-  
perie media, in qua sanitas est, disjunctissima, pestifera; quæ  
propiora, minimùm: sed levia ab his compendia. Quin si mor-  
bi omnes fere à sanguine, & calore nimio; plus ferrent opis se-  
ctæ venæ, cautæque vitæ lex. Sed sint ex usu aliqua, dum, ut  
olim, apta & simplicia. Quorsum enim tot fuitiles potiones, tot  
præposteræ & luxuriosæ compositiones, ex infinita Medicaminum  
æstuosorum, dissidentium, malignorumque farragine, & mon-  
strosi venenati que carnibus, suam scilicet feritatem unâ mix-  
tione posituris? His tamen titulo solo cardiacis luduntur incallidi,  
quibus cùm morborum, tum medicamentorum perhibentur re-  
media. A vanâ confusione reliquorum nec magnetis modo; nec  
imperioso delectu; sed irritando purgantium, majora adhuc dam-  
na. Næ quando, quod caput est, domitus à Natura humor, seu  
feri lactis, seu copiosæ aquæ potu emotus; sæpe & sponte suâ per  
patentes corporis irrigui vias salutariter effluit; durus est, qui  
tot junctis frustra Pharmacis ingratisissimis multifariam torquet  
ægotantem. Neque hæc sola ab ipsis mala.

#### V.

**L**ONGE gravior strages ab infusis violentis Elleboro,  
Scammonio, Colocynthide, Elaterio, Præcipitato, Subli-  
mato, Arrhenico, & cognatis, quæ vel χαλκέντερον; nisi lacerant,  
necant; labe saltem mulcant vix delendâ. Suo quippe truci ca-  
lore, suâque siccitate, sanguinem & spiritus incendunt, torrent  
viscera, perustos humores fœdos impingunt, vique maleficâ fu-  
riatos venenant. Quid si ipsismet revelati aliqui? Et impune ex  
alto desilière nonnulli, quibus erat scalæ copia. Eône periculosus  
dirè attentes, quod probatis pulchrè expleas? viribus, visceri-  
busque integris, sine quibus ista mortifera. Rem secat intellecta  
purgatio, commune quidem Naturæ, & Pharmaci opus: At enim  
cùm præcipuæ sint partes illius, quæ Causa effeatrix; minores hu-  
jus, quod merum est Instrumentum; Medicum exuit, qui cum

4

morbo pugnat, absque Natura, ab omnibus quæ effrenatè agunt, averfissima. Malè geri quidquid summâ vi geritur, pridem visum Medicorum Antistiti, non semel rigidè vetanti plurimùm & repente extrudere: imò illud inculcanti, *ῥατὴν μάλλον ἢ Σίη*. Et quæso si Natura à singulis corporis sani partibus continuò purgamenta decerpit, separat, ac depellit; num cessatione torpebit, à purgante laceffita? ac non potiùs, ceu contra pondus palma; sic adversus hostem generosè confurget? Quem hæc fugiunt, is nondum artis tyrocinio exiit.

*Ergo sanis, & agrotis benigna & simplicia Alimenta,  
Medicamenta.*

Proponcbat Lutetiæ JOANNES-BAPTISTA DOYE  
Parisiinus, Baccalaureus Medicus. A. R. S. H. 1686.

---

Apud Franciscum Muguet, Regis & Facultatis Medicinæ Typographum.